

ISLAM AUR AQLAAQ HUSNA

Disclaimer:

Arshad Basheer madani ke urdu books ko Roman English mai lane wale ahabab Mubarakbadi ke mustahiq hai ke unoun ne asan kia urdu reading Na janne Waloun ke liye

الحمد لله

فجزاكم الله خيرا

Note : arshad basheer madani ne Word to Word check nahi kia Kiunke bohot books ko roman Kia gaya un sab ko Check karna asan nahi, time ka commitment deegar Urdu books Aur syllabus par laga huva hai is liye badi mazirat ke sat arz hai ke jahan kahin apko pronounciation ya talaffuz mai Diqqat lage Urdu Janne Waloun se asal Kitab ki taraf rujoo farmaen in sha Allaah in sha Allaah

Askislampedia ki Team ka shukriya ke Roman mai book lane mai madad faramee

Khas tour se

Riaz bhai , shaikh abdullah Umeri, faheem iqbal , Mushtaq ahmed Aur baz sisters bhi hain jo madad kie Aur kuch brothers bhi madad kie Likin ijazat nahi hai ke unka naam zikr Kia jae Allaah qabool farmae sab ki mahant

Ameen

Shukriya

Shoba e nashro ishaat,

Askislampedia

Deen e islam apne maanne vaalo ko achche aqlaaq ki targheeb deta hai aur unhe bure aur bad aqlaaqi se rokta hai, har vo aadat jo maashre me khair va bhalayi ko farogh dene vaali hai, Islam iski daawat deta hai aur jo aadat maashre me shar aur fasaad ko aam karti hai islam us se manaa karta hai. Ek insaan ka achche aqlaaq vaala hona islam me matloob aur marghoob hai. Islam ne achche aqlaaq ko eeman aur islam ki nishaani bataya hai aur musalmaano ko ye dars diya hai ke bure aur gande aqlaaq kisi bhi momin ke shayaane shaan nahi hai.

FEHRIST

1. QURAAAN - HUSNE AQLAAQ KI AHMIYAT
2. QURAAAN MAJEED NE BAD AQLAAQI SE MANAA KIYA HAI

1. QURAAN - HUSNE AQLAAQ KI AHMIYAT

Quraan majeed me bahut si aayate hai jo achche aqlaaq ko apnaane ki targheeb deti hai jaise : Farmaan Baari Taalaa hai : Allah Taala adl ka, bhalayi ka aur qaraabatdaaro ke saath husne sulook karne ka hukum deta hai aur behayayi ke kaamo, naa shaayista harkato aur zulm va zyaadati se rokna hai, vo khud tumhe naseehate kar raha hai ke tum naseehat haasil karo. (An Nahal : 90)

Neez farmaan Baari Taala hai : Aap darguzar ko ikhtiyaar kare, Nek kaam ki taaleem de aur jaahilo se ek kinara ho jaaye. (Al Aaraaf : 199)

Irshaad Baari Taala hai : Aye Musalmaano ! Agar tumhe koyi faasiq qabar de to tum uski achchi tarah tahqeeq kar liya karo. Aisa na ho ke naadaani me kisi khoum ko eezaa pahucha do fir apne kiye par pashemaani uthao. (Al Hujuraat : 6)

2. QURAAN MAJEED NE BAD AQLAAQI SE MANAA KIYA HAI

Farmaan Baari Taala hai : Aye eemaan vaalo ! Mard doosre mardo ka mazaakh na udaaye, mumkin hai ke ye unse behtar ho aur na aurate aurato ka mazaakh udaaye, mumkin hai ye unse behtar ho aur aapas me ek doosre ko aib na lagao aur na kisi ko bure laqab do. Eemaan ke baad fisq bura naam hai, aur jo toubah na kare vahi zaalim log hai. Aye eemaan vaalo ! Bahut bad gumaaniyo se bacho yaqeen maano ke baaz bad gumaaniya gunaah hai. Aur bhed na tatola karo aur na tum me se koyi kisi ki gheebat kare. Kya tum me se koyi bhi apne murda bhai ka gosht khana pasand karta hai? Tum ko us se ghin aayegi aur Allah se darte raho, beshak Allah toubah qobool karne vaala meherbaan hai. (Al Hujuraat : 11,12)